

II

Ovim rješenjem stavlja se van snage Rješenje broj 01/1-02-55-3-11/13 od 10.01.2013. godine.

III

Ovo rješenje stupa na snagu danom donošenja, a isto će biti objavljeno u "Službenim novinama Kantona Sarajevo".

Broj 01/1-02-3024-12.b)/16
13. decembra 2016. godine
Ilijaš

Predsjedavajući
Općinskog vijeća Ilijaš
Mahir Dević, s. r.

Na osnovu člana 55. tačka 4. Statuta općine Ilijaš - Prečišćeni tekst ("Službene novine Kantona Sarajevo", broj 20/09) i člana 38. stav 1. i 2. Poslovnika Općinskog vijeća Ilijaš ("Službene novine Kantona Sarajevo", br. 2/10 i 18/15), Općinsko vijeće Ilijaš, na sjednici održanoj dana 13.12.2016. godine, donijelo je

RJEŠENJE

**O IZBORU PREDSEDNIKA, ZAMJENIKA
PREDSJEDNIKA I ČLANOVA DRUGOSTEPENE
STRUČNE KOMISIJE**

I

U Drugostepenu stručnu komisiju izabrani su:

RB.	IME I PREZIME	POZICIJA	POLITIČKI SUBJEKT
1	PETAR ILIĆ	Predsjednik	LDS
2	SEAD SILAJDŽIĆ	Zamjenik predsjednika	SDA
3	VESNA STANIŠIĆ	Član	SBB
4	SALKUNA SALIHOVIĆ	Član	SDA
5	MUHAMED ŠEHIĆ	Član	BPS

II

Ovim rješenjem stavlja se van snage Rješenje broj 01/1-02-55-3-12/13 od 10.01.2013. godine.

III

Ovo rješenje stupa na snagu danom donošenja, a isto će biti objavljeno u "Službenim novinama Kantona Sarajevo".

Broj 01/1-02-3024-13.b)/16
13. decembra 2016. godine
Ilijaš

Predsjedavajući
Općinskog vijeća Ilijaš
Mahir Dević, s. r.

Na osnovu člana 55. tačka 4. Statuta općine Ilijaš - Prečišćeni tekst ("Službene novine Kantona Sarajevo", broj 20/09) i člana 38. stav 1. i 2. Poslovnika Općinskog vijeća Ilijaš ("Službene novine Kantona Sarajevo", br. - 2/10 i 18/15), Općinsko vijeće Ilijaš, na sjednici održanoj dana 13.12.2016. godine, donijelo je

RJEŠENJE

**O IZBORU PREDSEDNIKA, ZAMJENIKA
PREDSJEDNIKA I ČLANOVA KOMISIJE ZA MLADE I
OBRAZOVANJE**

I

U Komisiju za mlade i obrazovanje izabrani su:

RB.	IME I PREZIME	POZICIJA	POLITIČKI SUBJEKT
1	KENAN BUZA	Predsjednik	SDA
2	ŠEJLA NAHIĆ	Zamjenik predsjednika	SDA
3	ADIS GLJIVA	Član	SDA
4	ALEM TOPALLOVIĆ	Član	SBB
5	MIRNES ĐOZIĆ	Član	BPS

II

Ovim rješenjem stavlja se van snage Rješenje broj 01/1-02-55-3-13/13 od 10.01.2013. godine.

III

Ovo rješenje stupa na snagu danom donošenja, a isto će biti objavljeno u "Službenim novinama Kantona Sarajevo".

Broj 01/1-02-3024-14.b)/16
13. decembra 2016. godine
Ilijaš

Predsjedavajući
Općinskog vijeća Ilijaš
Mahir Dević, s. r.

OPĆINA NOVI GRAD SARAJEVO

Općinsko vijeće

Na osnovu člana 4. stav 1. Zakona o zakupu poslovnih zgrada i prostorija ("Službeni list SR BiH", br. 33/77, 12/87, 30/90, "Službeni list R BiH", br. 3/93 i 13/94 i "Službene novine Kantona Sarajevo", br. 14/97 i 29/09), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 33. i 79. Statuta općine Novi Grad Sarajevo ("Službene novine Kantona Sarajevo", broj 30/09 - Prečišćeni tekst) Općinsko vijeće Općine Novi Grad Sarajevo je, na 1. redovnoj sjednici održanoj dana 08.12.2016. godine, donijelo

ODLUKU

**O OBAVLJANJU POSLOVNIH DJELATNOSTI NA
PODRUČJU OPĆINE NOVI GRAD SARAJEVO**

I - OPĆE ODREDBE

Član 1.
(Predmet)

Odlukom o obavljanju poslovnih djelatnosti u poslovnim prostorijama na području Općine Novi grad Sarajevo, određuje se koje se poslovne djelatnosti mogu, odnosno ne mogu obavljati u poslovnim prostorijama koje se nalaze na području općine Novi Grad Sarajevo.

Član 2.

(Definicija poslovne djelatnosti)

Poslovnim djelatnostima u smislu ove odluke smatraju se djelatnosti fizičkih i pravnih lica, državnih organa i organizacija, političkih stranaka, udruženja građana i drugih subjekata.

Član 3.

(Uslovi za obavljanje poslovnih djelatnosti)

- (1) Raspored obavljanja poslovnih djelatnosti u poslovnim prostorijama se vrši radi spriječavanja štetnih utjecaja koji nastaju obavljanjem određene djelatnosti, radi osiguranja zdravstvenih uslova, zaštite od požara, zaštite graditeljskog ili prirodnog naslijeđa.
- (2) Poslovne djelatnosti mogu se obavljati u poslovnim prostorijama u skladu sa ovom odlukom pod uslovom da iste, zavisno od vrste djelatnosti i propisanih normativa, ispunjavaju propisane uslove u pogledu tehničke opremljenosti; zaštite na radu i unapređenje životne sredine; sanitarno higijenske uslove; uslove propisane Zakonom o zaštiti od buke; Zakonom o kvalitetu zraka kao i druge zakonom propisane uslove.
- (3) Ispunjavanje uslova iz prethodnog stava utvrđuje se na način propisan posebnim zakonima za obavljanje određenih djelatnosti.

II - RASPORED POSLOVNIH DJELATNOSTI

Član 4.

(Vrste poslovnih djelatnosti koje se mogu obavljati u zoni kolektivnog stanovanja)

U poslovnim prostorijama koje se nalaze u zoni kolektivnog stanovanja gdje preovladavaju visoki stambeni objekti - višekatanice, na području mjesnih zajednica: Alipašino polje A-I (Bajrama Zenunija, Bulevar Meše Selimovića, Ive Andrića, Trg solidarnosti), Alipašino polje A-II (Ante Babića, Bulevar Meše Selimovića, Džemala Bijedića, Ive Andrića, Trg međunarodnog prijateljstva), Alipašino polje B-I (Semira Frašte, Trg ZAVNOBIH-a), Alipašino polje B-II (Nerkeza Smailagića, Trg ZAVNOBIH-a), Alipašino polje C-I (Geteova, Trg Nezavisnosti), Alipašino polje C-II (Bosanska, Trg Nezavisnosti), Olimpijsko selo (Olimpijska, Trg Barcelone), Saraj polje (Adija Mulabegovića, Teheranski trg, Hasana Sućeske), Otoka (Brčanska, dio ulice Žrtava fašizma (samo do broja 13), Dobrinja A (Sulejmana Filipovića, Trg Grada Prato), Dobrinja B (Bulevar branilaca Dobrinje, Bulevar Mimar Sinana, Vahide Maglajlić, Trg Sabora Bosanskog, Trg zlatnih ljiljana, Vase Butozana, Vladimira Nazora, Voje Dimitrijevića, Hamdije Kapidžića, Janka Jolovića, Kunovska, Luja Pastera, Miroslava Krleže, Mustafe Latifića, Oslobođenaca Sarajeva, Sarajevskih ilegalaca), Dobrinja C (Avde Ćuka, Emila Zole, Esada Pašalića, Gandijeva, Grada Bakua, Kasima Prohića, Nurije Pozderca, Petra Tiješića, Trg Djece Dobrinje, Trg Williama Šekspira), Dobrinja D (Mustafe Kamerića, Dobrinjske bolnice, Grada Kalgarija, Omladinskih radnih brigada, Salke Nezečića, Salke Lagumdžije, Trg Sarajevske Olimpijade), Staro Hrasno (Milana Preloga, Antuna Brankašimića), Anex (Prijedorska), Čengić vila (Gradačacka, Ilije Engela), Švrakino selo II (Prvomajska) mogu se obavljati sljedeće djelatnosti:

- finansijske djelatnosti i djelatnosti osiguranja, poslovanje nekretninama, stručne, naučne i tehničke djelatnosti, kancelarijske administrativne i pomoćne djelatnosti, poslovne pomoćne uslužne djelatnosti d.n, informacije i komunikacije, stručne, djelatnosti obrazovanja, djelatnosti zdravstvene i socijalne zaštite, kreativne, umjetničke i zabavne djelatnosti i ostale usluže djelatnosti d.n.
- proizvodnja hljeba, peciva, dvopeka, kekisa, trajnih peciva i kolača, tkanje tekstila, proizvodnja pletenih i heklanih tkanina (ručnim radom), krojačka, obućarska, grafička i knjigovezačka, gipsomodelar (ručnim radom), urar, proizvodnja satova- finomehaničar, optičarska, zlatarska i zlatarsko filigranska, graverska, proizvodnja bižuterije, proizvodnja predmeta od tekstila, drveta, plastike i drugih materijala (ručnim radom), krznarska, tašnarska, organizovanje zabavnih igara, fotografska, popravak komunikacijske opreme, popravak elektroničkih uređaja za široku potrošnju, popravak aparata za domaćinstvo te opreme za kuću i vrt, popravak namještaja i pokućstva (tapetar - dekorater), popravak ostalih predmeta za ličnu upotrebu i domaćinstvo (popravak bicikala, izrada ključeva, plastificiranje vizit kartica i sl.), popravak aparata za domaćinstvo, te opreme za kuću i vrt, popravak elektroničkih uređaja za široku potrošnju, sve djelatnosti koje se mogu obavljati kao domaća radinost, frizerski i drugi tretmani za uljepšavanje, i djelatnosti za njegu i održavanje tijela i ostale lične uslužne djelatnosti, d.n.
- trgovina na malo hranom, pićima i duhanskim proizvodima, voćem, povrćem, mesom i mesnim proizvodima, ribama, morskim plodovima, hljebom, kolačima, slatkišima, alkoholnim i bezalkoholnim pićima (ne za konzumiranje na "licu mjesta"), mlijekom i mliječnim proizvodima, ostala trgovina na malo prehrambenim proizvodima d.n, trgovina na malo motornim gorivima (izuzev plinom u bocama za domaćinstvo), dijelovima i priborom za motorna vozila, informacijsko komunikacijskom opremom, ostalom opremom za domaćinstvo, trgovina električnim

aparata za domaćinstvo, radio i TV uređaja, proizvodima za kulturu i rekreaciju, ostalom robom (odjeća, obuća, proizvodi od kože), farmaceutski proizvodi - apoteke, trgovina medicinskim preparatima, ortopedskim pomagalicama, kozmetičkim i toaletnim proizvodima, cvijećem, sadnicama, sjemenjem, kućni ljubimci, trgovina hranom za kućne ljubimce, satovi, nakit, trgovina na malo namještajem (kataloška prodaja), ostala trgovina na malo novom i rabljenom robom (osim rabljenim motornim vozilima).

- trgovina na veliko za vlastiti račun ili uz naknadu ili na osnovu ugovora (posredovanje), a odnosi se na trgovinu na veliko na domaćem tržištu, međunarodna trgovina na veliko - uvoz /izvoz (kancelarijsko poslovanje)
- ugostiteljska djelatnost iz skupine "restorani" i skupine "barovi" i skupine "hoteli"

Član 5.

(Vrste poslovnih djelatnosti koje se mogu obavljati u ostalim poslovnim prostorijama u ulicama koje nisu obuhvaćene članom 4. Odluke a pripadaju istim Mjesnim zajednicama)

- (1) U individualnim, slobodnostojećim poslovnim prostorijama i poslovnim prostorijama koji se nalaze u sklopu individualno stambeno poslovnog objekta, a koji se nalaze u ulicama koje nisu pomenute u članu 4. Odluke a pripadaju mjesnim zajednicama Alipašino polje A-I, Alipašino polje A-II, Alipašino polje B-I, Alipašino polje B-II, Alipašino polje C-I, Alipašino polje C-II, Saraj polje, Otoka, Dobrinja i Staro Hrasno mogu se obavljati pored djelatnosti navedenih u članu 4. Odluke i:

Proizvodnja ostale građevinske stolarije i elemenata, proizvodnja namještaja za poslovne prostore i kuhinjskog namještaja (stolar); proizvodnja uredskog materijala od papira, proizvodnja ploča, listova, cijevi i profila od plastičnih masa, proizvodnja ambalaže od plastičnih masa, bravarska djelatnost (proizvodnja katanaca, brava, ključeva, okova i dr. proizvodnja metalnih vrata i prozora, okvira za vrata i prozore, kapaka, kapija i sl.); mehaničar telekomunikacijske opreme; proizvodnja električne opreme za rasvjetu; održavanje i popravak motornih vozila (automehaničar, autoelektričar, autolomar, autolakirer, vulkanizer).
- (2) Djelatnosti iz stava (1) ovog člana mogu se obavljati pod uslovom da ne ugrožavaju prirodnu sredinu i okoliš, da ne remete korištenje susjednih objekata i sadržaja i da se obavljaju u skladu sa važećim propisima u odnosu na djelatnosti koje se u njima vrše.

Član 6.

(Poslovne djelatnosti koje se mogu obavljati u stambeno poslovnim zgradama - zgradama kolektivnog stanovanja)

U poslovnim prostorijama koje se nalaze u stambeno poslovnim zgradama - zgrade kolektivnog stanovanja, mogu se obavljati sve djelatnosti iz člana 4. Odluke izuzev:

Trgovina na veliko (osim usluga posredovanja odnosno administrativno kancelarijskog poslovanja), trgovina na malo željeznom robom i građevinskim materijalom (cigla, gips, kreč i sl.), trgovina na malo (gorivom, motornim uljima i sl.), trgovina na malo kućnim ljubimcima

Proizvodne djelatnosti (osim proizvodnje predmeta domaće radinosti - samo ručnim radom).

Održavanje, pranje i popravak motornih vozila (automehaničar, autoelektričar, autolimar, autolakirer, vulkanizer); kameno-rezački radovi, izrade i opravke raznovrsnih metalnih proizvoda bravarska, limarska, kovačka, livačka, mašinobravarska, mehaničarska, metalobrusačka, stolarska, elektromehaničarska, hemijska čistionica i praonica veša (osim kad je u potpunosti riješen sistem ventilacije), pržionica kafe, djelatnosti obavljanja i skaldištenja sredstava za vršenje preventivne dezinfekcije, dezinfekcije i deratizacije.

Ugostiteljske djelatnosti iz skupine "barovi" - noćni klub, noćni bar, disko klub i disko bar.

Član 7.

(Uslovi obavljanja ugostiteljske djelatnosti i djelatnosti proizvodnje hljeba, peciva kolača i sl. u stambeno poslovnim zgradama- zgradama kolektivnog stanovanja)

- (1) Ugostiteljska djelatnost iz skupine "restorani" i djelatnosti proizvodnje hljeba, peciva i kolača, može se obavljati samo ako se kod proizvodnje i pripreme jela koriste energenti - električna energija i plin uz uslov izrade potrebnih ventilacionih sistema prema normativima i mišljenjima ovlaštenih lica.
- (2) Organ koji odobrava obavljanje djelatnosti, ukoliko ocijeni da je neophodno, može tražiti saglasnost stanara zgrade /ulaza, onih koji mogu biti izloženi direktnom utjecaju produkta djelatnosti.
- (3) Dokaz o ispunjavanju uslova za obavljanje djelatnosti, potrebno je pribaviti Protokol o funkcionalnosti odsisnog dimovodnog kanala koji izdaje ovlaštena firma, stručno mišljenje zaštite od buke, Zapisnik o primjenjenosti mjera zaštite od požara i protokol o pregledu i ispitivanju elektroinstalacija.

Član 8.

(Poslovne djelatnosti koje se mogu obavljati u poslovnim prostorijama koje se nalaze u ulicama koje pripadaju ostalim Mjesnim zajednicama)

- (1) U individualnim i stambeno poslovnim prostorijama koje se nalaze u ulicama koje pripadaju Mjesnim zajednicama koje nisu obuhvaćene članom 4. i 5. Odluke, mogu se obavljati pored djelatnosti iz člana 4. i 5. Odluke i djelatnosti:
 - proizvodnja namještaja, muzičkih instrumenata, sportske opreme, igara i igračka, medicinskih i stomatoloških instrumenata, prerađivačka industrija, d.n. (metli, četaka i sl), popravak proizvoda od metala, mašina i opreme, prerada i konzerviranje mesa i mesa peradi, proizvodnja mlijeka i mliječnih proizvoda, proizvodnja sladoleda i drugih smrznutih smjesa, proizvodnja mlinskih proizvoda, proizvodnja tekstila (predioničar, tkalac, pletač, vezilja, krojač,) proizvodnja obuće, proizvodnja ambalaže od drva (drvoobrađivač, drvogalanterist), proizvodnja uredskog materijala od papira, štampanje i umnožavanje snimljenih zapisa, proizvodnja proizvoda od gume i plastičnih masa, proizvodnja ostalih nemetalnih mineralnih proizvoda, proizvodnja gotovih metalnih proizvoda, osim mašina i opreme (metalnih konstrukcija, vrata, prozora, kovač, mašinska obrada metala (struganje, glodanje, savijanje, sječenje, probadanje), alatničar, bravar, proizvodnja proizvoda od žice, lanaca i opruge, limar, servisiranje elektronskih mašina i opreme, servisiranje električnih mašina i opreme, popravak ostale opreme, ostale uslužne djelatnosti d.n.

Trgovina na veliko žitaricama, sjemenjem, hranom za životinje, cvijećem, sadnicama, hranom, pićima i duhanskim proizvodima, voćem povrćem, mlijekom i mliječnim proizvodima, šećerom čokoladom i slatkišima, kafom, čajem, kakaom i začинима i dr. prehrambenim proizvodima, trgovina na veliko proizvodima za domaćinstvo, informacijsko komunikacijskom opremom, ostalim mašinama, opremom i priborom.

- (2) Djelatnosti iz stava (1) mogu se obavljati pod uslovom da ne ugrožavaju prirodnu sredinu i okoliš, da ne remete korištenje susjednih objekata i sadržaja i da se vrše u poslovnim prostorijama izgrađenim u skladu sa važećim propisima u odnosu na djelatnosti koje se u njima vrše.
- (3) U poslovnim prostorijama koje se nalaze u zgradama kolektivnog stanovanja, primjenjuju se odredbe člana 6. i 7. Odluke.

Član 9.

(Poslovne djelatnosti koje se mogu obavljati u ulicama koje pripadaju području Industrijske zone)

- (1) U poslovnim prostorijama koje se nalaze u području Industrijske zone, mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše.
- (2) Ukoliko organ koji izdaje saglasnost ocijeni potrebnim, može tražiti od nadležne Općinske službe stručno mišljenje o mogućnosti obavljanja djelatnosti shodno važećoj prostorno planskoj dokumentaciji vezano za bližu namjenu objekta.
- (3) Ako organ koji izdaje saglasnost ne može na osnovu priložene dokumentacije utvrditi identifikaciju poslovne prostorije, odnosno poslovnog objekta, privredne zgrade, zgrade i sl., tražiće mišljenje i tumačenje od nadležne Općinske službe da se utvrdi pripadnost industrijskoj zoni i mogućnost obavljanja djelatnosti u skladu sa važećom prostorno planskom dokumentacijom.
- (4) Za obavljanje proizvodnih djelatnosti i djelatnosti čiji rad proizvodi buku i štetni utjecaj na okolinu, potrebno je pribaviti i okolinsku dozvolu od nadležnih kantonalnih i federalnih organa uprave.

Član 10.

(Vrste poslovnih djelatnosti prema lokacijskom položaju poslovnih prostorija)

Poslovne prostorije na području Općine Novi Grad Sarajevo, u stambenim i stambeno poslovnim zgradama kolektivnog stanovanja koje se nalaze na spratu, uključujući i visoko prizemlje, mogu se koristiti samo za obavljanje administrativno-kancelarijskih djelatnosti, usluge računovodstva, revizije, brokerske usluge, usluge finansijskog konsaltinga, pravnih poslova-advokat, notar i sl. agencijskih djelatnosti, privatne prakse iz oblasti opće i specijalističke primarne zdravstvene zaštite, kozmetičke usluge i djelatnosti slobodnih umjetnika.

Član 11.

(Ograničenja u obavljanju poslovnih djelatnosti)

Ukoliko se u nekoj od ulica ili dijelova ulica na području Općine Novi Grad Sarajevo nalazi vjerska ili obrazovna institucija (osnovnog ili srednjeg obrazovanja) u poslovnim prostorijama u tim ulicama odnosno dijelovima ulica u radijusu od 100 m od ovih objekata nije dozvoljeno obavljanje ugostiteljske djelatnosti sa točenjem alkoholnih pića niti djelatnosti koje izazivaju pojave neprikladne mjestu i značaju navedenih objekata.

Član 12.

(priređivanje igara na sreću - kladionice, uplatila mjesta)

- (1) Priređivanje igara na sreću, propisani Zakonom o igrama na sreću ("Službene novine Federacije BiH", broj 48/15), Pravilnikom o prostornim, tehničkim i drugim uslovima za priređivanje igara na sreću kladenja ("Službene novine Federacije BiH" broj 23/16) i Pravilnikom o izmjenama i dopunama Pravilnika o prostornim, tehničkim i drugim uslovima za priređivanje igara na sreću kladenja ("Službene novine Federacije BiH" broj 40/16), mogu se obavljati samo u legalno izgrađenim poslovnim prostorima koji posjeduju važeću upotrebnu dozvolu.
- (2) Poslovni prostori iz stava (1) ovog člana u kojima se obavlja djelatnost priređivanje igara na sreću kladenja, ne smiju biti na udaljenosti manjoj od 200 metara od vjerskih objekata, te osnovnih i srednjih škola.
- (3) Ispunjenost uslova iz stava (2) ovog člana utvrđuje općinska Komisija formirana od strane općinskog načelnika.
- (4) Ukoliko općinska Komisija mjerenjem utvrdi na terenu da je udaljenost poslovnog prostora u kojem će se vršiti priređivanje igara na sreću kladenja manja od 200 metara od vjerskih, osnovnih i srednjih škola, nadležna općinska služba će rješenjem odbiti zahtjev za izdavanje saglasnosti.

- (5) Odluku koju općinska Služba donese u postupku rješavanja zahtjeva pravnog lica za izdavanje saglasnosti, službenim putem će dostaviti i Federalnom ministarstvu finansija.

Član 13.

(Izuzeci od primjene ove Odluke)

Ova Odluka se ne primjenjuje na poslovne prostorije, poslovne zgrade i poslovne centre čija je namjena utvrđena detaljnim planom prostornog uređenja.

Član 14.

(Određivanje namjene koja nije u skladu sa Odlukom)

Izuzetno od odredaba ove Odluke, Općinsko vijeće, na prijedlog Općinskog načelnika može, zbog posebno iskazanog interesa Općine za investiranje u određenoj djelatnosti, utvrditi namjenu drugačije od namjene utvrđene ovom Odlukom.

III - NADZOR

Član 15.

(Nadzor i sprovođenje odredaba Odluke)

- (1) Za sprovođenje ove odluke nadležni su inspekcijski organi u saradnji sa Službom za privredu i lokalni ekonomski razvoj općine Novi Grad Sarajevo.
- (2) Nadzor nad sprovođenjem odredaba ove Odluke vrši Općinski načelnik putem Službe za privredu i lokalni ekonomski razvoj.

IV - KAZNE ODREDBE

Član 16.

- (1) Na korisnike poslovnih prostorija - pravna i fizička lica koji koriste poslovne prostorije suprotno odredbama člana 4, 5, 6, 7, 8., 9., 10., 11. i 12. ove odluke, primjenjivaće se Odluka o prekršajima protiv javnog reda i mira ("Službene novine Kantona Sarajevo" broj 4/08) i Odluka o izmjenama i dopunama Odluke o prekršajima protiv javnog reda i mira ("Službene novine Kantona Sarajevo" broj 19/15)
- (2) Prihod ostvaren naplatom novčanih kazni propisanih Odlukom o prekršajima protiv javnog reda i mira iz prethodnog stava je prihod Budžeta Općine Novi Grad Sarajevo.

V - PRELAZNE I ZAVRŠNE ODREDBE

Član 17.

(Uskladjivanje djelatnosti)

- (1) Novi korisnici poslovnih prostorija, poslovnu djelatnost mogu obavljati samo u skladu sa odredbama ove Odluke.
- (2) Odredbe ove Odluke primjenjivat će se i na zatečene korisnike poslovnih porostorija koji traže izmjenu i proširenje predmeta poslovanja.

Član 18.

(Prestanak primjene važeće Odluke)

Stupanjem na snagu ove Odluke stavlja se van snage Odluka o rasporedu namjena za obavljanje privrednih i vanprivrednih djelatnosti na području Općine Novi Grad Sarajevo ("Službene novine Kantona Sarajevo" broj 7/98).

Član 19.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-28141/16	Predsjedavajući
12. decembra 2016. godine	Općinskog vijeća
Sarajevo	Dr. Rusmir Baljić , s. r.

Na osnovu člana 33. Statuta Općine Novi Grad ("Službene novine Kantona Sarajevo", broj 30/09 - Novi prečišćeni tekst), člana 14. stav 4. Zakona o eksproprijaciji ("Službene novine Federacije BiH", broj 70/07, 36/10, 25/12 i 34/16) rješavajući po prijedlogu Zavoda za izgradnju Kantona Sarajevo, za utvrđivanje

javnog interesa za izgradnju dionice LOT 2C Sarajevske zaobilaznice, dionice od rondoa Briješke do Ulice Safeta Zajke - faza realizacija saobraćajnice sa izgradnjom objekta preko željezničke pruge-pergola i izgradnju kružne raskrsnice u ulici Safeta Zajke sa pratećom infrastrukturom - II faza Općinsko vijeće Novi Grad Sarajevo na 1. sjednici održanoj dana 08.12.2016. godine, donosi:

ODLUKU

O UTVRĐIVANJU JAVNOG INTERESA ZA EKSPROPRIJACIJU ZEMLJIŠTA U SVRHU IZGRADNJE LOT 2C SARAJEVSKE ZAIBILAZNICE - DIONICE OD RONDOA BRIJEŠKE DO ULICE SAFETA ZAJKE - FAZA REALIZACIJA SAOBRAĆAJNICE SA IZGRADNJOM OBJEKTA PREKO ŽELJEZNIČKE PRUGE-PERGOLA I IZGRADNJU KRUŽNE RASKRSNICE U ULICI SAFETA ZAJKE SA PRATEĆOM INFRASTRUKTUROM - II FAZA

Član 1.

Utvrđuje se javni interes za izgradnju LOT 2C Sarajevske zaobilaznice, dionice od rondoa Briješke do Ulice Safeta Zajke - faza realizacija saobraćajnice sa izgradnjom objekta preko željezničke pruge-pergola i izgradnju kružne raskrsnice u ulici Safeta Zajke sa pratećom infrastrukturom - II faza, na zemljištu označenom kao:

- k.č. 584/5 (nastala od k.č. 584/2) u površini od 309 m² upisano u zk.uložak broj 1519 K.O. SP Dolac kao državno vlasništvo sa pravom korištenja u korist Petković Anke rođ. Dokić sa 1/24 dijela, Vesne Buzančić Vesne kći Božidara sa 23/96 dijela, Krešić Tomislava sina Dragutina sa 23/192 dijela, Grgurić Sanjina sina Željka sa 23/96 dijela i Krešić Tvrta sina Dragutina sa 69/192 dijela, što po novom promjeru odgovara k.č. 2184/2 u površini od 309 m², upisano u P.L. 1714 K.O. Novo Sarajevo IV,
- k.č. 578/5 (nastala od 578/1) u površini od 437 m² upisano u zk.ul. 5174 K.O. SP Dolac, upisano kao vlasništvo GP "ZGP" d.d. Sarajevo sa 1/1 dijela,
- k.č. 578/5 (nastala od 578/3) u površini od 524 m² upisano u zk.ul. 5171 K.O. SP Dolac, upisano kao vlasništvo GP "ZGP" d.d. Sarajevo sa 1/1 dijela,
- k.č. 587/3 (nastala od 587/1) u površini od 2290 m² upisano u zk.ul. 5569 K.O. SP Dolac, upisano kao vlasništvo GP "ZGP" d.d. Sarajevo sa 1/1 dijela,
- k.č. 577/4 (nastala od 577/1) u površini od 1501 m² upisano u zk.ul. 5626 K.O. SP Dolac, upisano kao vlasništvo GP "ZGP" d.d. Sarajevo sa 1/1 dijela, sve po novom promjeru odgovara k.č. 2185/2 u površini od 4752 m², upisano u P.L. 1714 K.O. Novo Sarajevo IV.

Član 2.

Utvrđuje se daje Zavod za izgradnju Kantona Sarajevo korisnik eksproprijacije zemljišta u svrhu izgradnje LOT 2C Sarajevske zaobilaznice, dionice od rondoa Briješke do Ulice Safeta Zajke - faza realizacija saobraćajnice sa izgradnjom objekta preko željezničke pruge-pergola i izgradnju kružne raskrsnice u ulici Safeta Zajke sa pratećom infrastrukturom - II faze.

Član 3.

Za realizaciju ove odluke zadužuje se Direkcija za puteve Kantona Sarajevo, Zavod za izgradnju Kantona Sarajevo i Služba za urbanizam, imovinsko-pravne, geodetske poslove i katastar nekretnina Općine Novi Grad Sarajevo.

Član 4.

Ova odluka stupa na snagu osam (8) dana od dana objavljivanja u "Službenim novinama Kantona Sarajevo".